

Emision di stampia enconexion cu 60 aña Biblioteca Nacional di Aruba

ORANJESTAD - Den tur dos stampia a usa un buki como obheto visual primordial cu ta conecta e diseñonan y cu ta forma un vinculo visual cu nos biblioteca. E diseñador ta splica e informacion tecnico pa su stampianan.

STAMPIA DI 185 CEN:

E stampia aki ta muestra un mucha cu ta lesa un buki. Intencion di diseño di e stampia ta pa traha un cuadro dramático den un estilo preto cu blanco, pa motibo cu esaki ta concerni celebracion di sesenta aña di Biblioteca Nacional. E composicion tipografico ta di un mashin di type, pa asina reenforza e tema den un estilo bieu cu Biblioteca a solicita. Na parti robez abou tin

un faha blou cu e palabranan “60 aña Biblioteca Nacional”. Esaki ta pa duna e stampia un acercamento un tiki mas moderno. E simplicidad y mas ainda e forma cu ta ser usa, ta pa indica e parti moderno di e diseño. E skinanan di e diseño ta dobla paden den forma rondo. A scohe e forma aki tambe como un acercamento mas moderno. E unico otro color, aparte di e preto cu blanco, ta un matiz of sombra shinishi cla di e medio blou cla.

STAMPIA DI 300 CEN:

E stampia aki ta muestra e mesun mucha cu ta lesa den e stampia di 185 cen, pero



60 aña despues, pasobra ta di berdad mes cu tempo a transcuri. E stampia aki tambe ta dobla paden den forma rondo.

E parti blou na parti robez abou tin solamente dos skina dobla, di cua uno ta cay bunita asina den e skina rondo robez



abou di e cuadro. E otro skina cu ta dobla, ta cay diagonalmente na e otro punta. E descripcion aki ta conta pa diseño di tur dos stampia. Otro cos tambe: e tipo di letter cu a usa den e diseñonan ta “The Quest”, letter di un mashin di type.

Emision di e stampianan aki

ta obtenibel pa tur cliente for di dia 20 di augustus 2009 te cu 19 di augustus 2010, na Oficinanan Postal di Oranjestad, San Nicolas, Santa Cruz y na Port of Call. Pronto tambe na Palm Beach Plaza Mall.

Tambe por encarga e serie di stampia aki via e-mail: philatelic@postaruba.com.